

Na osnovu clana 82. i 104. Pravila Ekonomskog fakulteta Univerziteta u Sarajevu, te clana 9. Zakona o nostrifikaciji i ekvivalenciji inostranih školskih svjedocanstava («Sl. list SR BiH» br. 7/88 od 14.03. 1988.godine), Upravni odbor Ekonomskog fakulteta Univerziteta u Sarajevu na sjednici održanoj 10.04.1999.god., donio je

## **P R A V I L N I K** **o nostrifikaciji diploma i ekvivalenciji**

### **I Opšte odredbe**

#### **Clan 1.**

Ovim Pravilnikom utvrđuju se uslovi i postupak za nostrifikaciju diploma i drugih javnih isprava na dodiplomskom, postdiplomskom i doktorskom studiju u inostranstvu i ekvivalenciji uvjerenja o odslušanoj nastavi i položenim ispitima na studiju u inostranstvu.

#### **Clan 2.**

Nostrifikacijom se diplomu o završenom Ekonomskom fakultetu i stručnom nazivu specijaliste ili naučnom stepenu magistarskih i doktorskih nauka priznaje ravnopravnost sa odgovarajućom diplomom stečenom u Bosni i Hercegovini, kao i stručni naziv i druga prava koje ta diploma daje.

#### **Clan 3.**

Ekvivalencijom se svjedocanstvu – uvjerenju o započetom studiju u inostranstvu priznaje ravnopravnost sa odgovarajućim uvjerenjem o završenim pojedinim semestrima i položenim ispitima u Bosni i Hercegovini i inostranstvu radi nastavljavanja školovanja.

#### **Clan 4.**

Državljeni Bosne i Hercegovine koji u inostranstvu završe Ekonomski fakultet, steknu stručni naziv specijaliste, magistra ili doktora nauka, mogu podnijeti zahtjev za nostrifikaciju diploma.

Lica koja nisu državljani Bosne i Hercegovine mogu podnijeti zahtjev za nostrifikaciju svojih diploma ako imaju pravni interes da im se to pravo prizna u Bosni i Hercegovini.

### **II Nostrifikacija**

#### **Clan 5.**

U postupku nostrifikacije, pod pretpostavkom ispunjenja uslova iz clana 4. ovog Pravilnika uzimaju se u obzir prethodno završena škola, sistem obrazovanja, akreditiranja fakulteta, nastavni plan i program, broj kredita, prava koja diploma daje u toj zemlji i drugi relevantni elementi, ako postoje.

### **Clan 6.**

Ako je kandidat završio studij na fakultetu sa kojim je Ekonomski fakultet u Sarajevu zaključio Ugovor o saradnji koji uključuje zajedničko utvrđivanje nastavnog plana i programa, te eventualno i razmjenu nastavnika, nostrifikacija diplome vrši se automatski.

### **Clan 7.**

Nostrifikaciju diploma iz clana 5. vrši Komisija za nostrifikaciju. Komisiju za nostrifikaciju sačinjavaju Šefovi Katedri i Prodekan za nastavu, te pomoćnik direktora za pravne poslove.

Po potrebi, Komisija se proširuje šefom Postdiplomskog studija, ili rukovodiocem odgovarajućeg smjera.

### **Clan 8.**

Nostrifikaciju diplome iz clana 6. vrši Dekan fakulteta na osnovu prijedloga Prodekana za nastavu i NIR.

### **Clan 9.**

Nostrifikacija diplome iz clana 5. može se usloviti polaganjem dopunskog ispita ako je razlika u nastavnom planu i programu osjetna.

### **Clan 10.**

Komisija za nostrifikaciju, odnosno Dekan mogu donijeti Rješenje kojim se nostrifikacija prihvata, uslovljava dopunskim polaganjem ispita ili podnošenjem posebnog rada, odnosno kojim se nostrifikacija odbija.

### **Clan 11.**

Informacija o izvršenoj nostrifikaciji podnosi se Nastavno-naucnom vijecu Fakulteta. Kopija Rješenja o nostrifikaciji zajedno sa originalnom diplomom i njenim prevodom od strane sudskog vještaka dostavlja se Ministarstvu obrazovanja Federacije Bosne i Hercegovine.

### **Clan 12.**

Komisija za nostrifikaciju, odnosno Dekan dužni su završiti postupak najkasnije u roku od 60 dana od dana prijema zahtjeva od strane Ekonomskog fakulteta.

### **Clan 13.**

Ako je postupak nostrifikacije uslovljen pribavljanjem dodatnih dokumenata ili izvršavanjem dodatnih radnji, Komisija, odnosno Dekan mogu produžiti rok iz clana 12.

U slučaju iz stava 1. ovog clana, Komisija, odnosno Dekan donose Rješenje koje ujedno kandidatu služi za podnošenje prijave na konkurs, upis na dalji studij ili za druge slične svrhe.

### **III Ekvivalencija**

Zahtjevu za ekvivalenciju nastave i ispita, odslušane odnosno priznate u inostranstvu, kandidat prilaže:

- diplomu prethodne škole,
- javnu ispravu kojom se konstatuje prisustvo nastavi, odnosno položeni ispiti,
- nastavni plan i program ispita za koji se traži ekvivalencija.

#### **Clan 14.**

Pravilnik o ekvivalenciji Rješenjem donosi Dekan. Po potrebi Dekan se konstatuje sa šefom Postdiplomskog studija i Šefom odgovarajućeg smjera.

#### **Clan 15.**

Pravilnik o ekvivalenciji ispita donosi predmetni nastavnik.

U slučaju da predmet položen u inostranstvu obuhvata materiju prema Nastavnom planu i programu Ekonomskog fakulteta u Sarajevu, Dekan Rješenjem formira Komisiju za priznavanje i ekvivalenciju ispita.

#### **Clan 16.**

Rješenje o ekvivalenciji se dostavlja Studentskoj službi.

#### **Clan 17.**

Na pitanja vezana za ekvivalenciju koja nisu posebno regulisana ovim Pravilnikom shodno se primjenjuju odredbe o nostrifikaciji diploma.

### **IV Evidencije**

#### **Clan 18.**

Fakultet odvojeno vodi zvanične evidencije izvršenih nostrifikacija i ekvivalencija.

#### **Clan 19.**

Evidencije se sastoje od knjige nostrifikacije diploma, odnosno priznatih ekvivalencija i od Zbirke isprava.

U Zbirci isprava čuvaju se svi relevantni zvanični dokumenti.

Iz Zbirke dokumenata može se podnosiocu Zahtjeva vratiti original, ukoliko bude zamijenjen ovjerenom kopijom.

### **V Prelazne i završene odredbe**

#### **Clan 20.**

Zahtjevi za nostrifikaciju diploma koji su predati Ekonomskom fakultetu u Sarajevu prije donošenja ovog Pravilnika, a za koje je

formirana posebna Komisija, okoncat ce se na nacin i po postupku koji su važili prije donošenja ovog Pravilnika.

Za ostale zahtjeve provest ce se postupak u skladu sa ovim Pravilnikom.

**Clan 21.**

Pravilnik stupa na snagu osmog dana od dana objavljivanja istog na Oglasnoj ploci Fakulteta.

**Pravilnik objavljen na  
Oglasnoj ploci  
12.04.1999.god.  
Broj: 01-1-3/99**

**PREDSJEDNIK UPRAVNOG ODBORA  
Prof. dr. Kemal Hrelja**

**EKONOMSKI FAKULTET  
UNIVERZITETA U SARAJEVU**

**P R A V I L N I K  
O NOSTRIFIKACIJI DIPLOMA I EKVIVALENCIJI**

**Sarajevo, april 1999.god.**

